



MAJMUNSKE BOGINJE **ČESTO POSTAVLJANA PITANJA**

Majmunske boginje su rijetka virusna bolest koja se najviše javlja u centralnoj i zapadnoj Africi. Naziv "majmunske boginje" je dobila zato što je prvi put otkrivena 1958. godine u laboratoriji za majmune. Kasnijim ispitivanjima krvi životinja u Africi otkrivene su i druge vrste životinja koje su vjerovatno imale majmunske boginje. Naučnici su i kod afričke vjeverice otkrili virus koji izaziva majmunske boginje. Pacovi, miševi i zečevi takođe mogu dobiti majmunske boginje. Otkriće majmunskih boginja kod ljudi je prvi put objavljeno 1970. godine.

Da li ima majmunskih boginja u Sjedinjenim Američkim Državama?

Početkom juna 2003. godine majmunske boginje su otkrivene kod nekoliko osoba u SAD. Većina ovih ljudi je oboljela nakon što su bili u kontaktu sa kućnim ljubimcima-prerijskim psima, koji su imali majmunske boginje. To je prvi put da su se majmunske boginje pojavile u SAD.

Šta izaziva majmunske boginje?

Bolest izaziva virus velikih boginja (variola), zatim virus koji se koristi za vakcinu protiv velikih boginja (vaccinia) i virus kravljih boginja.

Koji su znaci i simptomi majmunskih boginja?

Znaci i simptomi majmunskih boginja kod ljudi su slični onima od velikih boginja samo što su obično blaži. Druga razlika je što majmunske boginje izazivaju povećanje limfnih čvorica.

Oko 12 dana nakon infekcije virusom, kod ljudi se javlja groznica, glavobolja, bolovi u mišićima i leđima; njihovi limfni čvorici se povećavaju i oni se osjećaju umornim. Poslije jednog pa do tri dana (ili duže) od početka groznicice ljudi dobijaju osip. Osip se razvija u plikove ispunjene tečnosću koji se obično prvo javljaju po licu i onda se dalje šire, mada početak bolesti može da se javi i na drugim dijelovima tijela. Plikovi prolaze kroz više faza promjena prije nego što se skore, pretvore u krastu i otpadnu. Bolest obično traje dvije do četiri sedmice.

Da li se od majmunskih boginja umire?

Majmunske boginje su u Africi usmrtile između 1 i 10 procenata od ljudi koji su se razbolili.. Međutim ovaj rizik bi u SAD bio vjerovatno manji zbog bolje ishrane i medicinske njege.

Kako se dobijaju majmunske boginje?

Ljudi mogu da dobiju majmunske boginje od zaražene životinje preko ujeda ili ako dodirnu njenu krv ili njene tjelesne izlučevine, odnosno osip. Bolest se takođe prenosi sa osobe na osobu preko respiratornih kapljica u toku dužih vremenskih kontakata licem u lice ili dodirom tjelesnih izlučevina oboljele osobe ili predmeta kao što su posteljina ili odjeća zaražena virusom.

Za više informacija nazovite Odjel za zdravlje u Sjevernoj Dakoti na tel. 701.328.2378